

This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<https://books.google.com>





A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

BB
1919

]





UB 1919



LE LIEVRE DE

SIMON DE BVLLANDRE,

PRIEUR DE MILLY EN

BEAVVOISIS.

*A tresnoble & tres-docte Seigneur, Iean de
Boufflers escuyer, sieur de Lyesse.*




BB 1919

A PARIS,

De l'Imprimerie de Pierre Cheuillot.

1585.

54179



8



A TRESNOBE ET TRESDOCTE

SEIGNEVR, IEAN DE BOVFFLERS,

Sieur de Lyeffe.



Monfieur, vous auez eu quelquefois communication des petits esbatement, que j'ay composé au printemps de ma ieunesse : Entre aultres mon petit traicté du Lieure est tombé entre vos mains : le ne sçay quel gouft vous y auez pris, tant y à que vous m'auez éguillonné de le faire courir publiquement. A quoy de premiere face ne vouloy, consentir, ni permettre si lache bride à ma presumption que de me presenter pour la fable commune au theatre françois : En fin vaincu par l'effort de vos amiables remōstrances, ie l'ay mis en liberté, avec telle condition qu'il ne courût en aucun lieu sinon sous vostre adueu, sauuegarde, & protectiō, sentāt bien que mes reins estoient trop foibles, & debiles, pour endurer, souffrir, & supporter la lime trop seuere des Aristaches. Toutesfois si en vostre faueur nostre peuple Beauuoisin ne luy ferme la barriere de sa bienueillance, qu'il espere de mon seruice auoir quelque gibier de meilleure etoffe, que n'est vn Lieure, & que ie luy assaisōneray de diuine fausse vn autre met plus à gouft. A quoy plus fran-

ā ij

chement ie m'embefongneray, pour à tous en
faire iuger au parquet de leur conscience que
telles proyes ne se chassent à batre l'estrade
sous l'aile de la nuit, ou à me dispenser outre
la reigle tât de la raison, que de l'hōnorable rāg
que ie tiē : le tout par la grace de Dieu, lequel
ie prie, monsieur, vous maintenir en bōne con-
ualefcence. De Paris ce. 19. Ianuier. 1585.

Par le vostre S. de Bullandre.

Au fleur Ian Edouard du Monin. PP.

*Mon Lieuvre t'appartient : l'honneur sur moy redonde
De mon champ s'est levé : tu l'as pris, & repris :
Depuis estant chés toy, tu l'as si bien appris,
Qu'ore il court hardiment, au ciel, aux champs, en londe*

S. D. B.

AD SIM. BVLLANDREVM,
VIRVM OMNI EXCEPTIONE
superiorem, de lepidissimo Lepore suo.

HENDECASYLLABI.

Scitè seu leuipes, reor, Latinis
Est dictus lepidò, Lepus, lepòre,
Præcurrat volucres quòd is volucres,
Immò auras, leuipes, præisse possit.

At si cui lepidus tuus Latino
Visatur lepidi Lepus lepòris,
Haud scitè, leuipes, reor, Latinis
Est dictus lepidò, Lepus, lepòre.

An ille est leuipes Lepus, lepòris
Quem tui pedibus capis minutis?
Quem captum pedibus tuis minutis,
Nemo soluere quit? nec ipse sese
Exsoluat pedibus tuis minutis!
Haud scitè leuipes Lepus vocatur.

Fallor: iure suo, tuòque iure
Quam-scitè leuipes, reor, Latinis
Est dictus lepidò Lepus lepòre:
Nam quanuis pedibus leuem minutis
Ceperis Leporem, nihil morabor.

Mirabor? siquidem volacis illum
Pegasi pedibus capis citatis,
Cui, Phæbo duce, confides videndus,
Prior Bellerophonte eques videndus.

Scitè ergo leuipes Lepus vocetur,
Non quòd sit pede tam leuis citato,
Sed quòd Pegasios tuo volantes
Aptaris Lepori pedes volucris.
Queis tu, queis Lepus, & lepos Camæna
Peruolare tuæ polos potestis.

a iij

*Allatrent Lepori licèt volanti,
Volanti licèt allatrent lepòri,
Et tibi lepido allatrent Poëta,
Terrenæ, inuiduli, canes ferinæ.*

Janus Edoardus du Monin.

Au même par le même.

*Des Momes maint Lenrier après ton Lieure ahâne
lettant contre ses pieds mille enuieus abois :
Mais ils ont beau courir dn Po iusqu'à la Tane,
Car ton vers l'afranchit dans le Celeste bois.*

Ian Edouard du Monin. PP.

A MONSIEVR DE BVLLANDRE
S O N N E T.

I Açois qu'ore vn peu tard tu as donné carrière
A ton lieure nombreux pour gaigner le coupeau,
Mon Bullandre, ne crains le deuancier troupeau,
Ses pieds sont trop ailés pour demeurer derriere.
Le Dogue, le Leurier, ni l'alairte Leuriere,
Le voyans droit grimper au saint tertre gemeau,
Ne le bourraderont en mordillant sa peau,
Diane reuerant la chasse de son frere.

Ton Lieure sautelant sur les coutaus bossus,
Ores au creus vallon, ore aus antres mouffus,
Broutant les verds lauriers de la croupe iumelle,
Depuit l'apre dent des mâtins enuieus :
Mais pour mieus se sauuer du Lethe obliuius,
Il se rend, libre-serf, à ta lessé immortelle.

Alexandre Bunault, Parisien.

*AD SIMONIS BULLANDREI
LEPOREM OMNILEPORE ET
sale conditum.*

Miliacum Aethereus Leporem lepus æthere
notum
Sæpè fui iussit scandere tecta poli :
Scandere Milliacus superas non quiuerat oras,
Ipse lepus, pedibus non via tanta patet.
Ergo vt terrenos Lepus iste relinqueret agros,
Dat cælestem alam cælicus ecce lepus.
Nec mora: Bullandrus numerosas addidit alas
Huic Lepori, vt leporem viferet æthereum.
Ne Lepus hic sed herum Bullandrum linqueret,
alis
Bullandrus superis se Leporémque tulit.
Quid mirû! emissi Lepus & Bullandrus ab astris
Iam reuolant cæli clara per astra sui.

C. 1e Febure.



LE LIEVRE DE SIMON DE
BVLLANDRE, PRIEVR DE
MILLY EN BEAVOISIS,

A tres - noble, & tres - docte Seigneur JEAN
DE BOVFFLERS Escuyer ,
fieur de Lyeffe.



*VITEZ vostre sejour, O neuuai-
ne sacrée,
Desia l'Aurore poind, sus tost, res-
ueillez vous,*

*Et ce qu'auex appris songeant sur Thitorée,
Pour le Lieure anoblir en bref contez le nous :
Tout ce que l'Ascrean sòus la grotte relante
A fredonné iadis, en paissant son troupeau,
Ce que le Mantouan sur sa flute plaisante
Doulcement à chanté sòus l'ombre d'un fouteau,
Vienne animer mes sens : Pan l'effroy des Dryades,
Les Satyres cornus, Les faunes amoureux,
Et vous bouquins syluains poursuiuants des Naiades,
Pour finir mon dessein prestez moy vos faueurs.*

*Le Pindare François entonna sur sa lyre,
Celle qui le crin d'or de son pere donna,
Ou estoit recelé le sort de son empire,
Tant la rage d'amour son esprit forcena :*

A

LE LIEVRE

*Belleau le beau-disant d'une voix douce, & belle,
La Cerise à vanté sur son gay chalumeau,
Des Roches à coulé par la source Immortelle
De son double Rocher, les remarques de l'eau.*

*Moy le veux trompetter les vertus admirables
Du Lieure au vistes-pieds vray Phenix animal,
Franc d'affaïsonnement des poétiques fables;
Né d'astres si heureux, qu'il ne cause aucun mal.*

*Mais vray Dieu? quand i'auroy ma poitrine ferrée,
Et des langues autant que le clair firmament
A de flambeaux dorez sa voulture parée
Or' ie ne respondrois à si hault argument,*

*Non, plustost en tout temps la Lune rosoyante,
Et le Soleil pourprin vnis se mariront,
Plustost de l'essieu froid une haleine bruslante
L'orageux Africain, & l'Eure souffleront :
Plustost l'on contera les odeurs hybléannes,
Et les espis crestex des champs Cinyphiens,
Plustost Beauce sera sans fertiles campagnes,
Et la terre, & la mer veufues de citoyens :
Plustost fuiront les tours les simples colombelles,
Et l'ardant amoureux n'aura d'émotion,
Plustost le gay prin-temps sera sans arondelles,
Que ie paruienne au but de mon Intention.*

*A toy seul appartient mon phare de Lyeffe,
Des Muses le mignon, d'enfler ampoulement
Tes vers, & les guinder d'une souple haultesse,
Quand combler il conuient quelque braue argument :
Tu as assez dormi sur la double colline*

*Du mont Parnassean, sus deffille les yeux,
 Tu âs assez gousté de l'onde cheualline,
 De grace fay la donc ruißeler en ces lieux,
 Sur elle le feray flotter ma nasselette,
 Bien que chetif je suis, mal accort matelot,
 T'ayant pour mon Castor, ie dompte la tempeste,
 Des momes luniens, & leur groumelant flot.*

*Après que l'Eternel eust la terre créée,
 L'air subtil, & la mer, les oyseaux, & poissons,
 Et les astres cloué dans la sphere azurée,
 Pour gouverner les ans, & partir les saisons.
 Après qu'il eust filé les tresselettes blondes
 De Titan, pour roder ce globe spatieux :
 Et qu'il eust empointi les cornes vagabondes
 De Phæbé, qui de nuit argenteroit les cieux :
 Entre les animaux dont il peupla le monde,
 De son artiste main le Lieure il façonna,
 Pied-fourré, bas deuant, de nature féconde,
 Et l'honneur de vitesse à luy seul resigna.*

*Tandis que fleurissoit icy l'age d'orée,
 Que l'humain non goulu se nourrissoit de fruiçts,
 Que la terre de soy sans estre labourée
 Courboit son dos fertile sous le feis des espis,
 Lors que tousiours les fleurs produictes sans semence
 Le Zephire embamoit d'un soufflement germeux,
 Que les fleuves de lait couloint en abondance,
 Que le miel distilloit du chesne fructueux :
 Ce plaisant animal pour prendre sa pasture,
 N'attendoit que la nuit eust ombragé les cieux*

A ij

LE LIEVRE

*Aussi tost que Titan sa blonde crespelure
Esparpilloit sur nous, se monstroît en tous lieux,
Les chiens avecque luy couroint à longues tîres
Non pour en faire vn don au nocher stygien,
Mais pour donner esbat aux faunes, & satyres,
Car alors ils hantoint en ce val terrien.*

*Mais, las? il fust forclos d'une telle licence
Par le mauldiçt vouloir du cruel Lycaon,
Lequel enfelonné de sanglante meschance,
Voulust de Iuppiter empourprer sa maison:
De faicît pour éprouver s'il estoit Dieu, sur table
Un corps Molossien, traistre il luy presenta:
Il iure, oultré du crime, au stix irrepassable:
Qu'il couuriroit de flots ce Tout qu'il charpenta:
A l'Autan il lascha sa nuageuse bride
Pour çà, pour là, verser ses homicides eaux,
Expres il enioignit a l'Fris thaumantide
D'enleuer les vapeurs pour grossir les nuaux:
Neptune furieux, la mer impetueuse,
Les torrents desbordez suruindrent au renfort,
Et le Nile qui rend l'Egipte bien heureuse,
Par ses bouches vomist son flot-flottant effort:
Parmy les champs ouuerts tout a coup se ruerent,
Froissant, brisant, rompât, tours, maisons, & chasteaux,
Et d'un cours effrené pesle mesle emporterent,
Presque tous les humains, les bestes, & oiseaux:
Mais de pitié vaincu ce debonnaire pere,
Trois Lieures preserua du rauage indompté,
L'un desquels il offrit à Neptune son frere,*

Loyer du prompt secours qu'il luy auoit presté.

*Clion, le ne veu pas qu'en tes vers il ayt place,
Son corps se bouffit trop de bouëuse poison,
Brouillé, vilain, confus, parent d'une limace
Qui porte sur son dos sa baueuse maison,
Ce monstre est si funeste en la mer Indienne
Si puant, si cruel, si pestilentieux,
Que si vous le touchiez, la nef Charontienne
Vous feroit traicter le lac oubliuieux.*

*Muse, laissons à part cette difforme masse
Qui difformer pourroit nostre petit traicté,
Gauchissons à son flair, craignant qu'il ne nous fasse
Eclorre auant le temps quelque fruiçt auorté.*

*Pren soin des autres d'eux. Aussitost que Borée
D'un souffle brise-roc eust balayé les airs,
Et aux astres monstre la terre déplorée,
Et à la terre aussi monstre les astres clairs :
Aussi tost que Triton de sa trompe bruyante
Eust sonné le rappel aux rauissantes eaux,
Dont pesle mesle à coup d'une course grondante,
Elles se r'embusquoint au fort de leurs canaux,
Déia les lieux croissoint les ondes décroissantes,
Et les sommets chenus des monts sembloint sortir,
La terre s'esleuoit, & les mers abbaiantes
Estreinçtes dans leurs fins faisoient l'air retentir :
Bref après que Titan le saint œil de nature
Par les Puissants esclairs de ses brillans cheueux,
Eust par tout desesché toute l'onde, & l'ordure
Que Palés soustenoit sur ses reins spatieux*

A iij

LE LIEVRE

*Iuppin dardant son œil sur cette ronde masse;
Pitoiable aguigna ces petits animaux,
Qu'ils auoit faict grimper sur le mont de Parnasse,
Pour mieux se garantir de la rage des eaux :
Et voulant deux peupler cette machine ronde
Trouua bon sur les champs de Milly les porter,
Lieu propre pour nourrir telle engence feconde,
Et d'ou mieux elle peut son mal-heur euter.*

*Mais ce grand charpentier de la voulte étherée,
Qui tournoie les cieux d'un aîslé roulement,
Qui des astres conduict la course mesurée,
Les sommant de ployer à son commandement,
Qui pendant que l'hyuer les montaignes grisonne
Serre & r'estreint les iours d'un gros air ombrageux,
Qui pendant qu'en ces lieux le chauld esté seiourne,
Horrible les humains d'un fouldre ruineux :
Qui faict par sa vertu qu'un dous-soufflant Zephire
R'habille les ormeaux d'un vert acoustrement,
Que le Sarmatien, gros & poinçonné d'ire
Leur auoit dévestu par son froid soufflement ;
Qui faict au Syrien la blonde cheuelure
De la riche Cerés par chaleur consumer,
Que de ses propres yeux le glacereux Arcture
Auoit veu sur le dos de la terre ferner :
Bref cil qui va guidant d'une certaine bride
Tout ce qui faict seiour en ce val terrien,
Qui sçait tout, qui voit tout, qui le chault, & l'humide,
La terre, & l'Océan à procréé de rien,
Clair voyant que l'humain, enfant de dure pierre*

*Se laissant entrainer à ses affections,
Nuiët & iour liureroit à ses bestes la guerre,
Tant la gueule lui faiët sentir de passions :
Doüa prodiguement la Myllienne terre
De ce qu'ils leurs bastoit à les bien conseruer.
Son dos il semença d'une scabreuse pierre
Affin qu'ils peussent mieux des Leuriers se sauuer,
Ses pieds il arrousa de l'onde serpentine
De Therain, que Binet par carmes nez aux cieux
Discret, y méliant la source Pegasine
Rachapteroit vn iour du fleuve stygieux :
Ses iambes il vestit d'une ioyeuse prée
Qu'il esmailla partout de mille & mille fleurs,
Ou ils trepigneroint sur la sombre vesprée,
Lors que durant l'esté braisillent les chaleurs :
D'epis longs, & barbus en tresgrande abondance
Le plus beau du grasset du ventre il façonna,
Et la blonde Cerés pour leur seure defence
De couper ses cheueux liberté leur donna :
Puis il fist par Bacchus enfaçon de Silene
De ceps porte-raisin ses reins entortiller,
Où si tost que seroit la descouuerte plaine
Veufue de sa moisson, s'en iroient receler :
Que s'ils estoient chassez de la vigne rameuse
Pour dernier rendez-vous, & phare bien-heureux,
Sa teste il perruqua d'une forest ombreuse,
Luy crépelant son front d'un taillis buissonneux.*

*Voila comme luppin qui d'eux auoit grand' cure
Cette terre enrichit pour leur tuition,*

LE LIEVRE

*Ou au long cours des ans ils prindrent nourriture
Sans estre tenaillez d'aucune affliction,
Si tost que le Soleil son ardante charette
Viste faisoit rouler dans le gouffre marin,
Et que la sombre nuit à la face brunette
Des astres radieux éparpilloit le crin :
Ensemble ils se trouuoint, & picquez d'alegresse
Sauteloint, bondissoint, au plus hault, à qui mieux,
Puis d'un commun accord païssoint en grand lyesse
Des biens, qu'alme Palés produisoit en ces lieux :
Ce faict & mesmes lors que l'étoile argentine
Parfemoit de ses raiz les champestres confins,
Tondoint, pignoint, crépoint d'une façon diuine,
Le coton iaunissant sur leurs doigts ebenins :
Doigts repeter ie puis effaçants ceux d'Aurore,
Soit quand son plus beau teinct d'un fleurage diuers
D'esmail recreatif, peinct, bigarre, & colore
Les sommets montaigneux de ce grand vniuers :
Puis sur terre si fort trepilloint à gambades,
Qu'au redisant Echo des antres cauerneux,
Pan le Dieu des bergers, les faunes, & Dryades,
Alairtement courroint pour danser avec eux :
Mesme le Pastoureau pour suiure leurs enseignes
Le sommeil paresseux vuidoit de son cerueau,
Et agneaux, & moutons, & brebis porte-laine,
Faisoit bondir au bruiet de son doux chalumeau :
Si tost que le Soleil de son humide couche
Se leuoit, pour donner au monde sa lueur,
Chacun se retiroit sans attendre reprouche,*

Pour

*Pour auoir attenté de son prochain l'honneur,
Des Lieures quelques vns sous le chardon sauuage
Formez, paisibles, coys, la iournée passoint,
Les aultres chatouillez de l'amoureuse rage
Dans quelque beau pourpris leur moitié caressoint.*

*Cette vie suiurons mon support, de Lyesse,
Tandis que nous viuons deffous ce firmament,
Bannissons de nos cœurs la blaffarde tristesse,
» Nos iours d'un fil soudain s'écoulent traistrement :
» La roüe de nos ans sans prendre aucun relasche
» Iusque au port Stygien se vire viftement,
» Les filandieres sœurs nostre courte filace,
» De leurs doigts ebenins rompent cruellement,
» Iamais de reculons leur deuideau ne trainent,
» Sans pitié, sans delai acheuent leur complot.
» Cependant les humains incertains se demenent
» De sauter dans l'esquif duourdaut matelot :
La mort est en tous lieux, Hecate a mille forces
Pour couper nos cheueux ; vn chacun peut oster
La vie à son prochain, mais les humaines forces
Ne peuuent nul de nous de la mort racheter.*

*Faut-il, doncques faut-il, que nostre esprit boüillonne
D'amasser, pour si peu qu'il est dans sa prison ?
Nous faut il refueiller la sanglante Bellonne
Pour du tout rauager l'estrangere moisson ?
La soif de s'agrandir n'est iamais estanchée,
L'affection d'auoir ne se peut arrester,
Plus à boire l'on a, plus est l'eau recherchée,
Et d'elle l'on ne peut aucunement gouster :*

B

LE LIEVRE

*Non si Dieu nous verſoit des pierres pretieufes
Aultant que L'océan enfieri d'Aquilon,
Ores iufques aux cieux, or dans les foffes creufes
Du manoir infernal eſlance de ſablon :
Pourtant ne ceſſerions plus en plus de nous plaindre,
Criaillants, Hé Seigneur ayés pitié des tiens,
Ou il ne pleut aſſez pour la chaleur eſtandre,
Ou nous auons trop d'eau pour engranger les biens.*

*Nos petits animaux n'enſuiuants telle trace,
D'un inſtinct naturel les vertus embraiſſoient,
L'auarice avec eux n'auoit aucune place,
Et ſobres, ſeulement d'herbes ſe nourriſſoient,
Sans luge, ſans cenſeur viuoient en aſſurance,
Ni mendioient le port du ſoldat rigoureux.
Par tout ſe promenoient n'eſtant en défiance
Que quelqu'un leur ourdit quelque tour malheureux,
Leur ſang ne treſautoit, ny leur vene alterée
Ba-butoit, d'auoir faiſt au prochain quelque tort,
Ny d'eux la froide peur ne c'eſtoit emparée,
En bref ils ne doutoient qu'on pourchaffat leur mort.*

*De faiſt, vn louuenceau parmi la riche plaine
Du pays Myllien ça & là tracassant,
Vit des deux animaux vne femelle pleine
Formée au hault ſommet d'un coſtau verdiſſant :
A coup il fuſt ſaiſy d'une ioye admirable,
Que preſque il en paſſa le maraix ſtigieux
Se taiſant comme c'il que le loup effroyable
Le premier à choiſy de ſon regard affreux :
Mais quand en ſon eſtat il euſt remis ſon ame*

*Ramassant ses esprits émeus eperdument
Enuers elle allumé d'une amoureuse flame
La prit, & à Lero l'emporta gayement.*

*Arriué qu'il y fust, le monde l'environne
Et de son prisonnier admire la beauté :
Comme auprès de la mer vn chacun se talonne,
Lors qu'il ariue au port vn nauire agité,*

*Non, quand ma voix seroit du tout aimantinée,
Et qu'en langues tournez mes membres ie verroy,
Posé que fust aussy ma poitrine arainée,
Comme on le bienueigna dire je ne sçauroy :
Suffit que tellement cette Isle fust peuplée
De Lieures, qu'en la fin ceux qui les cherissoint
De rage poinçonnez de peur entremeslée,
Leur mort obstinement en tous lieux pourchassoint :
Au peuple ils remonstroint pour ourdir leur ruine,
Qu'ils pourroint tant couper leur désiré fourment,
Qu'en bref se logeroit la gloutonne famine
Chez eux, ou il falloit pouruoir diligemment :
Chacun y consentit. L'on arreste la guerre
Contre eux, & les tabours l'on faiçt bruire aussy fort,
Qu'aux plus aspres chaleurs le groumelant tonnerre
Craque, gronde, & mugît au sortir de son fort :
L'un saisit courageux la picque belliqueuse,
Vn aultre prend en main le baston noüallieux,
L'aultre sur le cheual la hache dangereuse
Brandit les menaçant de les partir en deux :
Tout à coup des haults bruis, & huées hurlantes
S'esleuent, & le son du cleron belliqueux*

B ij

LE LIEVRE

*Frappe du ciel ouuert les Estoilles brillantes,
Pour les acheminer au combat outrageux.
Les vignes au passer leur fureur esprouuerent,
Car ceux qui n'auoient pas d'armes dans leur maison,
Ses plus forts eschalas pesle mesle arracherent :
» Vn peuple forcené se conduit sans raison.
Mais les horribles cris de leurs voix fremissantes
A nos Lieures craitifz tramerent vn bonheur
Car d'effroy se leuants à courses haletantes
Des halliers espineux gaignerent l'espeffeur :
Voila comme manqua leur emprise douteuse,
Voila comme finit leur complot factieux,
Aultant il en aduint de leur suite routeuse;
Ses animaux courpint plus dispostement qu'eux.*

*Tout ainsi que l'on voit quand des scadrons de nues
Gros d'un subit esclair, & tonnerre Ænean,
Se veulent attaquer, qu'il semble à leurs venuës
Que le ciel doibue choir pour nous mettre à nean :
Soudain l'Eure cruel de l'estage s'empare
Contre l'Autan moiteux, soufflant si roidement
Tel amas furieux, qu'en bref tout se separe,
Le ciel se rassereine en vn petit moment :
De mesme disparust leur bouillonnante rage,
Quoy qu'ils eussent iuré, deuant que retourner
Que d'eux tous ils feroient vn terrible carnage,
Vne fuite leur fist la retraicte sonner.*

*Mais l'on m'obieçtera que les Baleariques
Ont esté des connils si malement traictez,
Que contraincte leur fust pour estre pacifiques,*

*D'implorer le secours des Romains indomptez :
Que nos Lieures pourtant le cœur trop craintif eurent
De n'auoir soustenu le choc des ennemys :
Mais Dieu? qu'eussoint ils faict? à coup surpris ils furent
De ceux là qu'ils croyoint estre leur vrais amys :
D'anantage ie dy qu'ingrats ne se monstrent
Car posé qu'un tel faict les rendit fort marris
Touteffois encontre eux aulcun mal n'attenterent,
D'autant qu'ils les auoynt eslevez, & nourris.*

*Fortune ores ie peux te nommer inconstante,
Car ceux qui sont par toy, deiettés aux malheurs,
Tu ne les fais tousiours ceder à la tourmente,
Tu les leues en fin aux celebres honneurs :
Ceux aussi qui par toy sont heurez en ce monde
Ne sont tousiours nourris en leur prosperité,
Quelques fois dessus eux ta rigueur se debonde,
Et portent le fardeau de ton austerité.*

*Cesar ayant ia faict frisonner l'Alemaigne,
Et beaucoup auilé des Gaulois la fureur,
Et rangé sous son ioug & l'Afrique, & l'Espaigne,
Et des Ægyptiens faict haleter le cœur,
Après qu'il eust brisé les plus fortes murailles
Par combats animés, & assauls debatus,
Et qu'il eust terrassé en sanglantes batailles
Mille, & mille souldats par guerrieres vertus :
Tu as tant exploité que la cruelle Parque
N'ayant permis qu'il eust filé ses iours entiers,
Chargea de ses lauriers la charontide barque
Nauré de vingt trois cous par ses traistres meurtriers:*

B iij

LE LIEVRE

*Or que par Ciceron Rome fust detrapée
De ciuils encombriers, de ses coniurateurs
Deuoilant les complots, eust la teste coppée
Par vn bourreau sanglant deuant ses seruiteurs:
Pour tel acte meschant ses tresses Pythiennes
Apollon obscurcit d'un noir habillement,
Et le troupeau nymphal des graces Latiennes
Fit de profonds sanglots mugler le firmament:
La faconde Pithon qui sa langue affilée
Arrousoit tous les iours d'un miel hymetien
Tel amy se perdant, au ciel s'en est volée,
Pour ne descendre plus en ce val terrien.
Hostilie aultrement tu as moulé prospere,
Sans luy faire gouster ton aueugle poison,
Ores qu'il eust gardé les brebis de son pere,
Et qu'il fust descendu d'une vile maison:
Après auoir atteint l'état d'age virile,
L'empire des Rommains si braue il gouuerna
Qu'au double il enrichit, & de foible, & debile,
Qu'il estoit martial en bref le façonna:
D'exellents ornements sa vieilleffe parée,
Paruint iusqu'au coupeau de toute maiesté,
De luy iamais ne fust ta faueur retirée
Mais il vesquit tousiours en tresgrande heureté.
Voy donc' fortune, voy, comme faulse, & maligne,
Sans ordre, & sans raison, tu conduis les humains,
Tantost aus plus grands Roys brassant quelque ruine,
Tantost aux plux petits prodiguant de grands biens:
Quand le blond Apollon de sa maison rofine*

*Sur nous à décoché ses beaux traits radieux,
La Lune puis après de sa tresse argentine
Nostre face pallit emmantelant nos yeux:
Tantost le bois ioyeux la rose printaniere
Rougit au souffle-dous du Zephir' gratieux,
A coup l'Austre mal-sain l'espine buissonniere
Priue de son honneur par son vent furieux:
La mer souuentes fois en temps calme rayonne
Bridant estroictement ses flots impetueux,
En apres Aquilon hault & bas la retourne
La batant enragé d'un orage gresleux:
Ainsi toy pipereffe, & volage, & cruelle,
Tu endors les humains sous ta varieté,
Pourtant en tous escriis hardiment l'on t'apelle
Constante seulement en ta legereté:
Par toy pour quelque temps nos animaux fleurirent
A Lero, mais leur fleur ne dura longuement:
Comme vn nuau leger soudain s'éuanouirent,
Du giste de ce lieu dechassez rudement.*

*Or que leurs ennemis ne les peussent atteindre
Pour les faire noyer dans le gouffre marin,
Ce toutesfois ne peut leur maltalent esteindre,
Ains plus obstinement ils ourdissoient leur fin:
Ils chercherent Lelap. (qui par diuine adresse,
Si foy nous adioustons aux anciens discours)
Toutes bestes vaincquoit en force, & en vitesse,
Et ce pour leurs seruir d'un propice secours,
Déia de l'Océan ses tresses flamboyantes
Le Soleil donne iour frai-naissant retiroit,*

LE LIEVRE

*Et par ses clairs cheuaux les estoilles drillantes
Dedans les cieux courbez au plustost referroit :
Que ces Leroniens leur ville abandonnerent
Affin d'exterminer ces petits animaux :
Mais mieux que l'autre fois leur dessein acheuerent
Ne faisant de leurs cris gemir les monts, & vaux :
L'un grimpe sur le hault des scrabreuses montaignes,
L'autre au deuant du boys tend les rets caprieux
L'autre se promenant par les rases campagnes
Les va faire bouger de leur fort buissonneux,
L'autre pour obtenir la forcée conquēste
Conduit les chiens courants, & les faisant heuscher
Par leurs noms, comme Arpaut, Orange, Rouffelette,
Canart, Iason, Panfac, les anime à chasser:
Les vns pour empescher leurs malices diuerſes
Des relais vigoureux en diuers lieux mettoint,
Les aultres pour couper leurs subites trauerses
D'un cheual espaignol la campagne batoint:
Leur Roy pardeuant tous menoit le lap en lesse
Pour premier affronter le chef des ennemys,
Les autres conduisoient d'une prompte allegresse
Les bons Leuriers que Pan offrit à Artemis.*

*Ainsi tous assemblez parmy les champs queſterent,
A trauers les fillons roüant l'éclairs des yeux,
Ou nostre Lieure en fin dans ſa forme trouuerent
Qui n'attendoit hélas! un choc ſi perilleux :
J'enten déia ce Roy d'une vois menaçante
Haultement eſcrier Oaro ie le voy,
Le ciel en retentit, ſa vois eſt ſi tonnante*

Qu'il

*Qu'il se leue, & s'en part d'un merueilleux effroy :
Lelap le suit de près, déjà déjà le pince
Et au troisieme sault il le cuide emporter,
Mais croyez que depuis qu'il sentit telle épince,
Que Lelap, tant soit peu, ne le peut empieter:
D'ont ces Leroniens grincent leurs dents de rage,
Ils crespent leurs sourcils, leur sang à grand'foison
Boult, s'efleue, & se bat, & leur cruel visage
S'ampoule de fureur, ils perdent la raison:
De cholere poussez peste mesle abandonnent
Bons & mauuais Leuriers, & le grand ost des chiens,
Et leurs clerons haultains si viuement entonnent,
Qu'ouir l'on ne pouuoit les fouldres Iouiens
Aspre fut le combat, furieux, & terrible,
L'un alonge ses nerfs pour euitier la mort,
Les aultres le suyuant d'une force inuincible
Pour l'outrer iusqu'à mort vsent de tout effort:
Ores il est attainct, ores il les deuance,
Ores de toutes parts l'environnent les chiens.
Tout à coup s'efforçant d'animeuse puissance
D'entreprendre sur luy leur oste les moyens:
Le voy déjà Lelap reprendre sa carriere
Pour luy faire soudain voir l'infernal manoir,
Mais il traueille en vain : il se iette en arriere,
Ou d'un plys de son corps luy robe son espoir,
Les aultres ie reuoy qui par les flancs l'affrontent
Et petit à petit affoiblissent son cœur,
Encor' sont ils deçeuз, & pas ne le surmontent,
D'un petit tournoyement il abbat leur fureur.*

C

LE LIEVRE

*Tout ainsi que l'houbreau, quand sur nous il volette
Dardille sur les chiens incessamment ses yeux:
Les suit, & les refuit pour gripher l'aloüette,
Si nous la contraignons de s'eslever aux cieux:
Ce pendant il suruient vn amas de corneilles,
Qui rompant son espoir l'assailent rudement,
Il gaigne le dessus, & d'un traict de ses aisles
La porte il va frapper de l'astré firmament,
Tout à coup il descend, au combat il retourne,
Et ce noir escadron separe agilement,
Ores il est dessous, or' au milieu s'enfourne,
Il bât, il est batu quelquefois asprement:
En fin estant pressé d'une iazarde fuitte
Las d'auoir longuement soustenu leur effort
Les laissant rialler d'une legere fuitte
Se retire, & s'en va percher dedans son fort;
Presque nostre animal pratique le semblable,
Tantost de tous les chiens emmuré se trouuoit,
Puis se desroboit d'eux d'une ruze admirable
Mais las! pour se sauuer aulcun fort il n'auoit:
Les boys estoient tendus d'un frauduleux cordage,
Les halliers espineux fremissoient de veneurs,
On l'aguignoit par tout pour en faire vn carnage:
Bref tous les champs estoient couuerts de ses haineurs.
Adonc que le Soleil sa plus chaude lumiere
lectoit ardentement sur les monts, & les vaux,
Et pendants dessus nous de leur viste carriere
La moitié finissoient ses ensouffrez cheuaux:
Ce pauuret animal haue, las, & debile,*

*S'estendit de son long sur vn verdoiant preau,
Et iaçoit que Lelap fust fort roide, & agile,
Le pensant emporter, cheut sur le bort d'un'eau,
Les aultres ia mi-morts de courir à oultrance
Sur la terre tapis pantoisoient, haletoint,
De leur langue couloit vne telle abondance,
De liqueur, que les champs abruuez en estoient:
Lors ses Leroniens à brides auallées
Piquerent au plus fort pour la mort luy donner,
Le ciel en resonna, les profondes valées
En muglerent, par tout l'on n'oyoit Dieu tonner.*

*Ce que Iuppin voyant de sa haulte eschauguette,
Fust espris en son cœur d'une estreme pitié,
Qu'alors il pratiqua sur cette pauvre beste,
Luy respendant vn traict de subite amitié:
D'autant qu'il leur raut, & dans l'Arche ætherée
Au ciel la colloqua pres des pieds d'Orion,
Ou Lelap le poursuit d'une rage alterée,
Mais en vain reüssit son obstination.*

*En cela faut noter comme la souuenance,
La bonté, la seurté, voysinent le seigneur,
Et quand l'esprit forclos est de toute esperance,
Qu'alors il l'affranchit d'encombrier, & malheur:
Si nous sommes faschez, soudain il nous console,
Si l'on nous veut greuer, il nous vient secourir,
Il est ferme en ses dicts, constant en sa parolle,
Pas vn de nos cheueux il ne lairra perir:
Oultre i'adiouteray quand son peuple déuoye
De ses commandements, & nonchale sa loy,*

Cij

LE LIEVRE

*Que des bruits esclatants & fraieurs lui enuoye,
Pour le faire iallir hors de son défarroy:
Il luy baille sa main, le conuie &, l'appelle,
De retourner a luy par maincte affliction,
Par songes quelquefois, & signes luy decele,
Les points plus signalez de son intention.*

*D'ont maintiennent aucuns que ce pere celeste
Cloüa dedans le ciel nostre pauvre animal,
Pour monstrier à l'humain que plus il ne souhaite
Ce qui luy peut porter du prouffit, & du mal:
Pour le cognoistre myeux l'orna de douze Estoilles,
Huit d'esquelles au ciel brillent apparement,
Mais ceux qui ont esgard aux plus claires, & belles,
Anoblissent son corps de six tant seulement:
Deux à ses premiers pieds, & deux à ses oreilles
Luissent d'une quatrième & cinquième grandeur,
La cinquième en son corps iecte ses estincelles,
Et la sixième rend sous son ventre lueur:
Ses oreilles l'on voit au degré dixseptième
Du cancre flamboyant, il derobe de nous
Ses premiers pieds, alors que dans son toict septième
Le Taureau souffle-feu repose ses genous,
Il panche vers midy quand leur degré trezième
Visitent les iumeaux: mais l'Estoille qui luit
Sous son ventre, apparoit au degré dixhuitième
Du Cancere, & lors de nous se recule, & s'enfuit,
Quand le Taureau saisit sa maison quatorzième,
Et passe oultre le trac ardent, & lumineux,
Du pole mi Journal au degré dixneuvième*

Ayans pris leurs logis les vaillants fils des œufs.

*Muse abbaisse ton vol, ainsi que l'aloüette
Qui pour secher son corps, en l'air, au poinct du iour
S'esleue à petits bonds, puy serrant son aislette
Tombant, souple reuient faire icy son seiour:
L'orgueil cause du mal . la race Titannine
Par trois fois s'efforça d'etroner Juppiter,
Par trois fois elle fust par la force diuine
Poussée iusqu'au fond du tenebreux enfer:
Le fol Dedalien s'enfuyant hors de Crette,
D'autant qu'il esleva son vol trop hault, l'ardeur
Du Soleil consuma sa cireuse plumette,
Qui luy fit de la mer esprouuer la rigueur:
L'estourdi phaéton ayant voulu conduire,
De son pere Titan le char iette-lueur,
Voyant le Scorpion enfiellé d'ardante ire
La bride à ses cheuaux lascha de grand'frayeur,
Qui libres se sentants s'enfuyrent à grand' erre,
La part, où les portoit leur cours impetueux,
Et eussent tous bruslé si l'esclatant tonnerre,
N'eust versé dans le Pau tel chartier malheureux.*

*Quitte donc, ma Clion, cette voute ætherée,
Et d'un agile vol descens avecque moy
Sur le champ de Milly, là de iour, & vesprée,
Nous pourrons endormir le soucieux esmoy:
Non, tu chanterois bien, comment iadis fischerent
Venus & Cupidon, les poissons dans les cieux.
Sous l'image desquels la rage ils euterent
Du serpend-pied Typhon grand ennemy des Dieux:*

C üj

LE LIEVRE

*Il te vaut mieux ietter dans la claire ondelette,
Du gazouillant Therain le plumbeux espreuier,
Tu en pourras tirer la truite grassélette
Quand elle nagera sur le menu grauier:
Tu sçays que Iuppiter en-astra l'écreuice
Pour auoir alenti d'une Nymphé le cours
Loyer bien merité de son deuot seruice:
Mais tire là plustost de ses retors detours :
Laiſſa ſemblablement noſtre Lieure celeſte
Au Lambris Ætheré faire cent mille tours,
Et enſemble couchez ſur la tendre herbelette,
Du troiſieſme animal faiſons quelque diſcours.*

*L'on ſçait qu'en peu de temps il peupla cette terre
De rouſſaſtres leuraux tant fecond il eſtoit,
Qu'on tient pour aſſuré, & en cela l'on n'erre,
Que ce petit beſtail de moys en moys portoit :
Non que i'approuue en rien cette erreur ancienne,
Que le maſle engendroit: ce n'eſt pas arreſté
Des veneurs, ains trop bien, que la femelle plaine
Sur faonne, d'ou vient telle fecondité:
Auſſi pour concéuoir, fuſt en pouldre, ou bruuage,
De leur portiere ont fait à la femme gouſter:
Leur ſiante au contraire apporte grand dommage
À ſa conception, quand elle en veut porter. .
Oultre ce, le vilain alleché d'auarice
Ne cherchoit le coupis du leuraut ſoucieux,
Pour frauder ſon ſeigneur de l'honneſte exercice
De la chaſſe, & tracer ſon trauail ennuyeux:
Et le ſeigneur auſſi n'auoit l'éuante-plaine*

*Chien couchant, pour fournir sa maison de gibier,
Diligent pouruoyeur, questeur de grande peine,
Songneux en ses desseins, fidele cuisinier,
Veritable en son nez, tire-fort, guigne-motte,
Constant en son arrest, plaisant en sa façon,
Bien batu, bien frotté, puny de telle sorte
Qu'il reçoit mille coups s'il fault à sa leçon:
Mais trois Leuriers au plus d'une gentille grace
Menoit acompaignez de six bons espaigneux:
Pour donner le plaisir de la ioyeuse chafse
A ceux, qui de l'auoir en estoient desireux:
Le souldat débordé reuenu de la guerre
S'estudiant plustost à pratiquer des maux,
Qu'à vouloir cultiuer l'ysure de la terre,
Traistre, n'arquebusoit ces petits animaux.
Clothon, & Lachesis le roüet de leur vie
Tournoyoint en ce temps d'une pesante main,
Ny la noire Atropos bien tost n'auoit enuie
De trancher le filet de leur mestier humain:
Bref le vilain glouton, & l'auare noblesse,
De canons, & lacets lors ne les trauailloint,
Voila pourquoy les champs, mon Phare de Lyesse,
De ce plaisant bestail en maints lieux fourmilloint.
En fin comme l'on void, que la mort inhumaine
Nous tire tous à joy d'un semblable lien,
Tant que du sourd Charon la nauire à grand' peine
Nous peut faire aborder au port Elysien:
Qu'aux grands, & aux petits des enfers la Déesse,
Par ses obscures mains faict sentir ses efforts:*

LE LIEVRE

*Nostre Lieure acablé d'une longue viellesse,
Dedans l'onde du stix alla baigner son corps:
Il reste maintenant mais qu'il ne vous ennuye,
De toucher quelque point de sa propriété,
Iaçois que d'en traicter ie n'eusse pas d'enuye,
Que plus fort il ne soit cy après tourmenté.*

*Il préuoit tous les iours par instinct de nature,
Quand le tēps doibt chāger, & quel vent doibt souffler,
Surtout il craint le Nord, quand époinct la froidure,
D'ont dans les forts buissons il s'en va receler:
Il dort les yeux ouuerts, ou soit quand le Zephire
L'incite à se gister sur vn mont verdissant,
Ou quand le Syrien de chaleur nous martire,
Rembusquer il s'en va dans le bled iaunissant:
Il doute, & craind tousiours qu'on le vienne surprendre,
Tousiours il faict le guet, affin qu'il ne soit pris;
Il à tant seulement les pieds pour se deffendre,
D'ont prouient que son cœur de tristesse est épris:
Ce qu'en soy remarquant, deffous la chicorée
Se forme, à celle fin qu'il deuienne ioyeux,
Pourtant les anciens ont icelle tiltrée,
Le palais, & chasteau du Lieure soucieux:
Ce nonobstant Caton hardiment nous asseure,
Que sa chair nous prouoque à songer, & resuer,
A raison que peureux il pourpense a tout'heure
Comment il se pourra de malheur preseruer.
Mais quoy? de son salut seullement il n'à cure
Ains l'homme il garantit de plusieurs accidents:
Oignez moy vostre corps de sa blanche presure*

Vous

*Vous vaincrez le venin des scorpions ardents:
Appliquez de son sang sur la rongne crasseuse,
Tant est d'esicatif, bien tost la guerira:
Vos yeux sont ils chargez d'une taye ombrageuse?
Du sucre avec son fiel, du tout les nettoyra.
Si le flus intestin contre vous se depite
Rotissez de sa chair, elle vous aidera:
Si ton foye bouillant par mal se debilite,
Desèche moy le sien, il le r'enforcera:
Si la teste tu às horriblement esmeute
Par quelque grand' douleur, il te faut promptement
Sa cendre incorporer avec huyle de meurte,
Soudain ell' r'affranchît du rigoureux tourment:
Si vous cuysez en miel sa fumée recente,
Pour soudier les boyaux elle prouffitera:
Mesmes si nettement la brulure cuisante
Ell' rase que l'endroiët marquer l'on n'en pourra:
Ses rognons pris en vin font sortir la grauelle,
Son caillé vinaigré le sang estanchera:
Que si vous le meslez, ou bien de sa ceruelle,
Dans gresse d'oye, en bref vriner vous fera:
Pour les gouttes guerir des mains, & des ioinctures,
Sur elles mets son pied, il les adoucira:
Vos pieds sont ils foulez de quelques meurtrissures?
Son paulmon dehaché leur mal allegera,
Salez le & le prenez en vin blanc, par l'espace
De trente iours, d'encens y miélant vn tiers
Craindre il ne vous faut pas que le hault mal vous fasse
Pour cette fois sentir ses aiguillons entiers.*

D


LE LIEVRE

*Et quoy? non seulement à l'homme il est propice,
Mais il sert à la femme: En premier son poulmon
Seché, puluerizé, pour guerir la matrice,
S'il est pris en bruuage, est prouffitable, & bon.
Son foye pris en l'eau qui de terre est meslée
De l'Isle de Samos, restreint les fluxions:
De leur arriere-faix si la femme moullée
N'a esté, son caillé matte les passions:
Mesmes si l'appliquez sur l'aine en cataplasme,
Auec ius de poireaux, & saffran odoreux,
L'enfant qui dans le corps de sa mere a son ame
Rendue, il contraindra d'yssir hors de son creux:
L'on croit que pour tenir les tetins d'une fille
Cours & rons, qu'il en faut aussi frotter son sein.
Bref il n'a rien sur luy qui ne soit fort vtile
Pour soulager l'humain, quand son corps est mal sein:
Mais auant que les vers de mon discours ie fine,
Le dirai librement, que cil qui mangera
De sa chair, nonobstant la sentence de Pline,
Par sept iours ensuiuants gayement il viura.
Sus doncques, mon support, & Phare de Lyesse,
Poursuiuons les Leuraux de sept iours en sept iours,
En dépit des railleurs en tout temps, & lyesse,
Le filet ourdirons de nos fresles seïours:
Les soings, & les traux par trop nostre mort hastent,
L'esbat, & le soulas, allentissent nos pas,
Les grands seigneurs en vain contre elle se debatent,
Le content sans regret s'achemine au trespas.*

AV MESME SIEVR DE LYESSE.

E vous eusse enuoyé des longs tēps de mes vers,
S'ils ne vous engendroint la scytale ennuyeuse,
Et si ie n'eusse crainct que mes croaçans airs,
Répondissent au chant de Progne douloureuse:
le sçay que le trauail du sort Thyrintien,
Et le lut doux-sonnant du grand Prestre de Thrace,
Bon-gré malgré lēfort du nocher Stigien,
Ont d'Ops épouuauté la rigoureuse race.
Dont la voile ay voulu leuer de mon bateau,
Pour tracer ce subiect qui vous fust agreable.
Que s'il ne peut flotter sur le profond de l'Eau,
Vous vous contenterez de mon vueil amyable:
Mais si flairer il peut le ris Sybaritain,
Qu'on le morde pourtant d'une dent Theonine
Ensemble d'aualler, & souffler n'ay moyen,
Quelque iour de vous voyr, il se rendra plus digne:
Car encores ie plaide en vn siege estranger,
Et mon vers vert encor resent l'herbette humide.
Pourtant d'aultruy ne veux les brebis rauager,
Ni dans le ionc chercher vn næud fort & solide.
Reçoy donc' ie te pry' ce mien tel quel enuoy,
L'on ne peut sans Pallas adoucir son ramage,
Le Perroquet mignar, & le babillard lay,
Autrement contrefont des humains le langage:
Dij

Au Peuple de Beauuois.

 *E Lieure oultre mon gré s'est produit en lumiere,
l'empeschois, obstiné, sa trop viste carriere,
Croyant, que s'il tomboit es mains des mocquereaux,
Qu'ils le déchireroient en cent mille morceaux:
Mes fideles Amis luy ont ouuert la porte,
Maintenant il s'en court où son dessein le porte:
Mais, peuple, il ne m'en chault, pourueu que sans venin,
Tu dardilles sur luy, ton œil, doux, & benin,
Ce sera l'eguillon, qu'en la sainte escriture
Fera guinder mon vol, pour donner nourriture
De pain spirituel, à tes fils, & nepueux,
Leur traçant vn chemin pour arriuer aux cieux.*

S. D. B.

ACROSTICHES FEMININS.

A monfieur de Bullandre.

Sortez Mufes, sortez, sortez troupe sacrée,
Il faut abandonner la iumelle terrace,
Miferable terrace, où le Turc vous menace,
Où le More barbare a planté son trophée:

Nous auons à Beauuais la maison d'un Orphée,
Bastie au plus haut lieu comme un nouueau Parnasse,
Venez y habiter, prenez là vostre place,
Les fourriers d'Apollon defia vous l'ont marquee.

L'Orphee dont ie parle est vostre fils Bullandre,
A qui ses doux accens font son haut los espandre
Non borné de la Seine, ains du large vniuers:

De leurier il est ceinct, son accorte science
REspand de son gosier un fleuve d'eloquence,
Ne cedant à personne, ou en prose, ou en vers.

I. D. Boufflers.

A SA SOEUR.

*Je traceray pour vous bien tost vn vers gentil,
Mon Lieure ne lisez, tirez vous en arriere,
Vous auez l'esprit gay, prompt, ioyeux, & subtil,
Mais ce Lieure est basti de trop lourde matiere.*

S. D. B.

Sur l'anagramme dudit de Bullandre.

SIMON DE BVLLANDRE.

L'ame d'un bon desir.

*DES metaux du Perou m'enrichir ne souhaite,
Je ne veux pas aussi que l'on m'estime heureux
Pour les faueurs de cour, Et ne suis desireux
D'auoir le front chargé d'une rouge berrette.
Quels sont donc mes souhets? qu'on entoure ma teste
D'un Leurier, le vray pris d'un poete ingenieux,
Que la peste s'écoule, & aussi qu'en tous lieux,
Du grand pasteur Romain l'on suiue la houlette.
Qu'au portail de Ianus, le verrouil y soit mis,
Affin que librement allions voir nos amis,
Et qu'avec eux puissions prendre honneste plaisir,
Voilà tous mes souhets; & ce n'est sans mystere,
Qu'aux lettres de mon nom, par subtile maniere
Sont contenus ces mots. L'AME DE BON DESIR.*

I. D. Boufflers.



REPRODUCTION CONFORME A L'ORIGINAL
POUR VICTOR PINEAU, LIBRAIRE A BEAUVAIS
DE L'IMPRIMERIE LOUIS PERRIN, A LYON
M DCCC LXVI.



